

Cynhadledd Efelychu ar y cyd Prifysgol Aberystwyth ac AaGIC: 5 Gorffennaf 2023

Esblygu Addysg a Hyfforddiant Seiliedig ar Efelychu: Coleddu technolegau digidol i gefnogi dysgu gofal iechyd proffesiynol

Rhwydweithiau Diddordeb Arbennig:

Cewch gyfle i fynychu rhwydwaith diddordeb arbennig yn y prynhawn. Rhoddir disgrifiad o bob rhwydwaith yn unigol isod.

Rhwydwaith Efelychu Gofal Iechyd Cymunedol

Mae'r grŵp rhwydwaith hwn yn ceisio galw ynghyd yr holl unigolion yng Nghymru sy'n ymwneud â thraddodi gweithgarwch efelychu drwy ystod yr agweddau cymunedol ar ddarpariaeth gofal iechyd. Mae hyn yn cynnwys efelychu sy'n berthnasol i ofal sylfaenol, gwasanaethau yn y gymuned fel podiatreg a ffisiotherapi, gofal a ddarperir yn y cartref, rheolaeth cyn mynd i'r ysbyty a gwaith pwysig y trydydd sector gan gynnwys gwaith elusennau sy'n seiliedig ar ofal iechyd fel Mind a Macmillan. Nod y grŵp hwn yw rhoi cyfle i'r rhai sy'n ymwneud â'r maes unigryw hwn o efelychu gofal iechyd i gwrdd, dod i adnabod ei gilydd a ffurfio rhwydwaith er mwyn hwyluso'r modd o rannu syniadau, profiadau ac adnoddau wrth ategu gwaith ei gilydd.

Rhwydwaith Efelychu o Bell

Mae'r grŵp rhwydwaith hwn yn ceisio galw ynghyd yr holl unigolion yng Nghymru sy'n ymwneud ag efelychu o bell neu sydd â diddordeb yn y maes. Diffinnir efelychu o bell fel "pan fo'r hwylusydd, y dysgwyr neu'r ddau endid mewn lleoliad all-safle, ar wahân i aelodau eraill, er mwyn cwblhau gweithgarwch addysgol neu asesiadau" (Laurent et al., 2014; Shao et al., 2018). Nod y grŵp hwn yw rhoi cyfle i'r rhai sy'n ymwneud â dylunio a thraddodi gweithgarwch efelychu o bell, neu sydd â diddordeb yn y maes, i gwrdd, dod i adnabod ei gilydd a ffurfio rhwydwaith i gydweithio a hwyluso'r modd o rannu syniadau, profiadau ac adnoddau wrth ategu gwaith ei gilydd.

Rhwydwaith Efelychu Rhyngbroffesiynol

Nod y grŵp rhwydwaith hwn yw galw ynghyd unrhyw un sy'n cymryd rhan weithredol yn y gwaith o gynllunio, dylunio, traddodi neu hwyluso addysg a hyfforddiant rhyngbroffesiynol seiliedig ar efelychu (IPSBET), neu sy'n awyddus i gymryd rhan yn y gwaith hwnnw. Yng ngwir ysbryd dysg rhyngbroffesiynol, bydd aelodau'r grŵp hwn yn dysgu'i gilydd, yn dysgu ynglŷn â'i gilydd a chyda'i gilydd o ran yr heriau a'r cyflawniadau a geir gydag IPSBET. Bydd dysgu a myfyrio ar y rhwystrau a'r llwyddiannau yn annog ac yn gwella'r llwybrau fwyfwy tuag at IPSBET llwyddiannus ar draws gofal iechyd yng Nghymru.

Rhwydwaith Efelychu Iechyd Meddwl

Mae Addysg Seiliedig ar Efelychu (SBE) wedi cael ei hystyried yn fethodoleg addysgol a all helpu i wella gofal ar gyfer unigolion â salwch meddwl. Eto i gyd, mae angen mabwysiadu SBE yn ehangach ym maes Iechyd Meddwl (Thomson et al 2013). Amcan y rhwydwaith hwn yw galw ynghyd unigolion sy'n ymwneud â thraddodi gweithgarwch efelychu drwy gyfrwng unrhyw leoliad Iechyd Meddwl yng Nghymru, neu sydd â diddordeb yn y maes. Nod y grŵp yw rhoi cyfle i unigolion gyfarfod, trafod, rhannu syniadau a phrofiadau er mwyn archwilio sut y gall efelychu ddod yn rhan fwy annatod o'r maes arbenigol hwn o ofal iechyd.